

Namminersorlutik Oqartussat nalunaarutaat qitiusumik ilinniartfinni inuussutissarsiutinullu ilinniartfinni faglærerinik pædagogikummimik ilinniartitsineq

Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaasernerit pillugit Inatsisartut inatsisaanni nr. 10, 19. maj 2010-meersumi § 4, imm. 2 aamma § 5, imm. 4 naapertorlugit, Inatsisartut inatsisaatigut nr. 3, 4. juni 2012-imi allanngor-tinneqartoq tunngavigalugit aalajangersarneqarpoq:

Siunertaq

§ 1. Qitiusumik ilinniartfinni aamma inuussutissarsiutinut ilinniartfinni faglærerinut tamanut atuuttumik pædagogikummimik ilinniartitaanermik aaqqissuus-sisoqassaaq, qitiusumik ilinniartfinni aamma inuussutissarsiutinut ilinniartfinni faglærerinut ilinniarnertuunngorniarfinni pædagogikummimik soraarummeersimasuunissami pineqan-ngitsunut.

Imm. 2. Kommunalbestyrelsi aalajangersinnaavoq Akuerisaasumik inuussutissalerinermik sammiveqartumik ilinniartitsineq (AEU) pillugu Piareersarfinni atuartitsisuusartut pædagogikummimik ilinniagaqassasut.

Imm. 3. Pædagogikummi isumannaassavaa faglærerit ilinniartitsisinnaanermut tunngaviusutigit piginnaaneqarnissaat inuussutissarsiutinut ilinniartfinni pilersaarusiorneq, aaqqissuussineq, tunngavilersuineq aammalu atuartitsinermik ineriartortitsineq eqqarsaatigalugit. Pædagogikummi isumannaassavaa faglærerit atuartitsisinnaanikkut tunngaviusunik piginnaaneqarnissaat tunngaviusumik inuussutissarsiutini ilinniartitaanerni, pilersaarusiorsinnaaneq, aaqqissuussisinnaaneq, tunngavilersuisinnaaneq aamma inuussutissarsiutinut ilinniartitaanerni atuartitsinerup ineriartortinneqarnera eqqarsaatigalugit. Tamatumalu ilutigisaanik pædagogikummi iluaqutaassaaq faglærerit ingerlaqqittumik inuussutissarsiornikkut ingerlatsinermi perorsaataasumik suliaasaqarfiit iluanni.

Imm. 4. Pædagogikummi inunnut perorsaanermik tunngaviusumik ilinniagaqareersimasunut neqeroorutigineqarsinnaanngilaq.

Imm. 5. Aqutsisutut suleqatigiissitap § 6-imi pineqartup imm. 4-mi inuit 1999-i sioqqullugu perorsaanermik tunngaviusumik ilinniagaqareersimasut immikkut akuersissuteqarfigisinnaavai, Kalaallit Nunaata avataanut nassarneqarsinnaanngitsumik.

§ 2. Pædagogikummi 60 ECTS point-inik imaqqarpoq nalunaaquttap a-kunnerisa 1648-t ukiut marluk ingerlaneranni aqqissuunneqartussa.

Imm. 2. Pædagogikummi kingusinnerpaamik faglærerip atorfininneraniit ukiut sisamat qaangiunneranni aallartinneqarsimassaaq, ilinniakkallu aallartinneraniit kingusinnerpaamik ukiut pingasut qaangiunneranni naammassineqarsimassalluni.

Imm. 3. Pædagogikummi ilinniartitaanermik aqutsisuutit imm. 2-mi aalajangersakkamiit saneqqutsinissamut akuersissuteqarsinnaapput, pissutsit immikkut ittut, assersuutigalugu naartunerup meerartaanerullu imaluunniit sivilissusiumik napparsimasoqarnerata tamanna pisariaqartippagu.

§ 3. Pædagogikummi aqqissuunneqassaaq atuagarsornertut 50 %-iusumik, aamma sungiusaammik sulinertut 50 %-iusumik, taakkua imminnut tapertariillutik immikkut suliaassisaasartunik tapertaarlutik, tulluuttuni atassusiilluni suliatut taaneqartunik, ilinniartitaanermi instruktørimit akuerineqartartunik, faglærerillu ulluinnarni suliaassisaatani aallaaveqartutut aqqissuunneqartartunik.

Imm. 2. Atassusiilluni suliat ilinniartitaanerup atuagarsornertaani aammalu sungiusaammik sulinertaani ilaassapput, nalunaaquttap akunnerinik naliigiissunik amerlassuseqartumik, aammalu ikaarsaariarfussallutik ilinniarnarup atuagarsornertaani kiisalu atuagarsornermiit sungiusaammik sulinermut.

Imm. 3. Pædagogikummi atuagarsornertaa aamma sungiusaammik sulinertaa tamarmik immikkut 30 ECTS point-inik imaluunniit nalunaaquttap akunnerinik 824 -nik naleqarput.

§ 4. Sungiusaammik sulinertaa ilinniutagalugu misissuilluni sulinermik, sungiusaammik siunnersuineramik aammalu ilinniartitsisup nammineq atuartitsineranik siunnersuinerartaqar-tumik imaqassaaq.

Imm. 2. Perorsaasutut ineriartortitsiviusumik sulineq faglærerip pinngitsoorani atuartitsissutissaatut ilaassaaq, siunnersuineramik tapertalerlugu.

§ 5. Atuagarsornertaa tallimariarluni pikkorissarfigisami najugaqarluni ingerlanneqassaaq, imarisamigullu inuussutissarsiutinik ingerlatsineramik sulinermi Kalaallit Nunaanni nunanilu allani misilittagaasunik kingullernik aallaaveqassalluni.

Imm. 2. Atassusiilluni suliat sungiusaammik sulinermik ilassusikkat pissusissamisoortumik ikaartarfusassapput pikkorissarfigisami najugaqarluni pikkorissarnerit ingerlanneqarnerisa akornanni.

Imm. 3. Pikkorissarnerit pikkorissarfigisami najugaqarluni ingerlanneqartut akornanni piffissani faglærerit tamarmik atassusiilluni suliaassisaatut suliaassisaatut, taakkualu ilinniakkap allasimaffiani allaaserineqassapput. Ilinniakkami modul-imut tullermut ingerlaqqissinnaanermut piumasaqaataavoq ilinniartitaanermi instruktørusup atassusiiluni suliaassisaatut akissutaasut minnerpaamik 80%-iinik akuerinnittarnera.

§ 6. Aqutsisutut suleqatigiissitap ilinniartitaanermut Naalakkersuisoqarfimmit pilersinneqarsimasup ilinniakkap aaqqissuussaanera allaaserissavaat, tassanilu ilinniartitaanerup imarisai aalajangersarneqassapput.

Imm. 2. Aqutsisutut suleqatigiissitaq tallimanik ilaasorta qarpoq, imatut toqqarneqartunik:

- 1) Aqutsisutut suleqatigiissitami siulittaasoq ilinniartitaanermut Naalakkersuisoqarfimmiit toqqarneqassaaq.
- 2) Ilaasorta q ataaseq ilinniarfimmit ilinniartitaanermik ingerlatsisuusumit toqqarneqassaaq.
- 3) Ilaasorta q ataaseq ilinniartitaanermi instruktøriusuniit toqqarneqassaaq.
- 4) Ilaasorta q ataaseq inuussutissarsiutinut ilinniarfinnit qitiusumillu ilinniarfinnit sinniisutut ilinniarfiup ingerlatsiffiusup ilinniartitsisuisa akornannit toqqarneqassaaq.
- 5) Ilaasorta q ataaseq Qitiusumik ilinniarfiit ataatsimut siunnersuisoqatigiivinit toqqarneqassaaq.

Imm. 3. Ilinniartitaanerup aaqqissuussaanerata nutarterlugulu kukkunersiorneqartarnera ilinniartitaanermut Naalakkersuisoqarfimmit akuerineqartassaaq.

Imm. 4. Ilinniarfiup ilinniartitaanermik ingerlatsiffiusup aqutsisutut suleqatigiissitamut allattoqarfittut sullissineq isumagissavaa.

Naliliineq

§ 7. Pædagogikummi naggaserlugu suliaassiisummik soraarummeerutissamik suliaqartoqartassaaq aammalu oqaluttariarsorluni soraarummeertoqartassalluni, qitiusumik ilinniarfimmi imaluunniit inuussutissarsiutinut ilinniarfimmi faglærerip atorfeqarfigisaani ingerlanneqartumik.

Imm. 2. Suliaassiissut soraarummeerutaasoq suliarineqartassaaq sungiusaammik sulisimaneq aallaavigalugu, atuagarsorluni ilinniakkani pilersaarusiornissamut, aaqqissuussinissamut, tunngavilersuinissamut perorsaanikkullu ineriartortitsinissamut qitiusumik ilinniarfimmi i-nuussutissarsiutinulluunniit ilinniarfimmi atorneqartut ilinniakkallu aallaavigalugit.

Imm. 3. Suliaassiisummik soraarummeerummik suliaqarneq kisimiilluni imaluunniit gruppini suleqatigiinni ingerlanneqarsinnaavoq, allaaserisanik quppernernik nalinginnaasunik 10-15-inik imaqartumik, power point-ilianik saqqummiunneqartussanik kiisalu video-liamik atuartitsinermik nalinginnaasumik takutitsisumik ilassusikkanik imaqartumik suliaqarnikkut naammassineqassaaq.

Imm. 4. Soraarummeernermi karakteriliineqassaaq Greenlandic Grading System tunngavigalugu annertussusiliinikkut, ataatsimoortumik oqaluttariarsorluni saqqummiussinermik suliaassiisummillu soraarummeerutissamik qanoq naammassinnissimanermik ataatsimoortumik naliliinerit tunngavigalugit.

Imm. 5. Soraarummeernermi angusisimaneq ilinniakkamut uppernarssaammik tunniussinermik kinguneqartassaaq.

Imm. 6. Soraarummeernermi angusinngitsoornermi qitiusumik ilinniarfiup imaluunniit i-nuussutissarsiutinut ilinniarfiup faglæreri sulii marloriarluni soraarummeerummik misiliinissaanut neqeroorfigisinnaavaa.

§ 8. Soraarummeernermi karakteriliinermik aalajangiineq allaffissornikkut oqartussaasunut allanut ingerlatseqqinneqarsinnaanngilaq.

Atortuulersitsineq

§ 9. Nalunaarut una atortuulersinneqarpoq ulloq 1. maj 2013.

Imm. 2. Nalunaarummi uani faglærerit qitiusumik ilinniarfimmi imaluunniit inuussutissarsiutinut ilinniarfimmi nalunaarutip piffissami atortuulorfiani atorfeqartut pineqanngillat. Faglærerilli taakkua nalunaarummi uani aalajangersakkanut ilaatinneqalersinnaapput tamanna pillugu qitiusumik ilinniarfimmuut imaluunniit inuussutissarsiutinut ilinniarfimmuut isumaqatigiissuteqarnikkut.

Namminersorlutik Oqartussat, ulloq 5. juni 2013.

Nick Nielsen

/

Mikael Kristensen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut